



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Archiepiscopo Senonensi.

**urn:nbn:de:hbz:466:1-20020**

## 614 Epistolarum Innocentij III.

magistro Fulcherio Archipresbytero de Maistatio conferentes, & facientes ipsum à præfatis procuratoribus in præsentia vestra recipi ad eandem, sic duximus statuendum, ut dilecti filii de Talemundo & de Batiaco Abbates Piætavensis & Xantonensis diocesum & Hel. de Gracia Canonicus Engolismensis, quibus super hoc dirigimus scripta nostra, revocato in irritum si quid de ipsis, postquam ad nos devoluta extitit donatio earundem, invenerint attentatum, reliquas sex personis idoneis conferant & assignent, & faciant appellatione remota tam præfatum Fulcherium quam illos quibus ipsi præbendas easdem contulerint pacifica ipsarum possessione gaudere, quod si tres aliae per vos non fuerint ordinatae, nec in ordinatione ipsarum poteritis concordare, ipsas personis idoneis sublatu appellationis obstaculo assignare procul, contradictores per censuram ecclesiasticam compescendo. Quocirca universitati vestra per apostolica scripta manda mus atque præcipimus quatinus quod ab eis de dictis præbendis fuerit ordinatum ratum habentes, sine contradictione qualiter firmiter observetis. Datum Lateranum  
11. Kal. Maij, pontificatus nostri anno xv.

## ARCHIEPISCOPO SENONENSI.

Epiſt. 39.  
Scribitur pro  
Episcopis Au-  
relianensi &  
Autifiodoren-  
si.  
Vide lib. 13.  
epiſt. 190. &  
lib. 15. epiſt.  
108. 109.

**E**x serie litterarum quas ad petitionem carissimi in Christo filij nostri Philippi Regis Francorum illustris tibi transmisimus pro relaxanda sententia interdicti quam venerabiles fratres nostri Aurelianensis & Autifiodorensis Episcopi tulerant in dioceses suas perpendere potuisti, & etiam ipse Rex ex litteris quas ipsi direximus cognoscere valui manifestè quod intentionis nostræ non fuit ut sine causa cognitione in negotio ipso procederes, sed potius utriusque partis rationibus auditis & cognitis, juxta traditam tibi formam negotio finem imponeres competenter. Verum quia prætermissa forma judicij, sicut ex parte istorum Episcoporum fuit propositum coram nobis, in eodem negotio procedebas, idem ad sedem apostolicam appellarunt. Quocirca fraternitati tua per apostolica scripta præcipiendo mandamus quatinus in statum pristinum revocato si quid post appellationem ad nos legitimè interpositam in eorundem Episcoporum præjudicium extitit attentatum, præfata manifestè sententiam non permittas à quocum temere violari, sed literas quas eidem Regi dirigimus tu ipse sibi fideliter & prudenter exponas, monens eum effica-

citer & inducens ut pro divini nominis gloria & apostolica fedi honore pacem in regno suo conserver Ecclesie, que nunc in multis aliis mundi partibus peccatis exigentibus perturbatur. Datum Lateranum iii. Non. Maij, pontificatus nostri anno xv.

PHILIPPO ILLVSTRI  
Regi Francorum.

**E**o te credimus erga Dominum Deum tuum & sanctam ejus Ecclesiam fervore devotionis accensum, siveque libertates ecclesiasticas illibatas velle, ut virum catholicum, custodire quod si litteræ nostræ, quas pro venerabilibus fratribus nostris Aurelianensi & Autifiodorensi Episcopis regiæ serenitati direximus exploitabit pleniter ac fideliter extitissent, non utique necesse fuisset nos propter hoc tibi scribere iteratò, cum firmam geramus fiduciam quod si Episcopi memoriam adversum te commisissent offensam, pro Deo & propter Deum nobis donasset eam, in his & majoribus etiam nobis gratiam faciendo, nec illud ad preces nostras corrigerem distulisses quod contra eos dicis inordinatè fecisse. Quod enim inordinatè processeris contra eos ex modo spoliandi & causa & ex rebus etiam occupatis arguitur multis modis, sicut nobis est ex eorum parte suggestum. Ex modo siquidem, quia nec monitione nec citatione præmissa ipsis absentes nec convictos nec confessos de aliquo forisfacto regalibus spoliasti. Ex cauila vero, quia eadem saifi fecisti pro facto tantummodo alieno, super quo nec confessi fuerant nec convicti quod factum fuerit per eosdem, quin immo illud nec constat nec constitit extitisse delictum. Ex rebus etiam occupatis, quoniam quædam \*alia quam regalia occupasti, quod episcopatibus non vacantes tibi non licuit, etiam si Episcopi deliquescent. Quod autem eos spoliaveris nondum confessos, nec convictos, vel ad satisfaciendum commonitos, ex tenore litterarum tuarum, quas præfatis Episcopis direxisti, manifestè perpenditur: in quibus continetur expresse quod Militibus eorum præceperas ut irent cum Baronibus illis quos ad quendam locum duxeras destinando, & quia illi ad præceptum tuum illuc accedere noluerunt, dixisti dictos Episcopos erga te de exercitu defecisse, ac propterea illorum saifisti regalia & illa que in eis pertinent ad jurisdictionem terrenam. Ex eo ergo quod istorum Militibus precepisti ut cum aliis irent constat quod Epis-